

48 *Vita S. Franc. de Paula*

suum consecrarent, absque eo quod de modo, quo ipse
interviret Domino, cogitarent. Utiq; toto tempore
vitæ suæ Domino se dedit Franciscus; viâ tamen illâ,
quam interiùs Spiritum Sanctum ei ostendisse creden-
dum est, & quam etiam respexisse Parentes ejus, Divi-
næ voluntati se conformantes, non dubitamus.

VII. UNUM TANTUMMODÒ HABUIT OCULUM) Hæc addit
Papebrochius: *Potius alterius oculi visus, labeculâ super
natâ impeditus, dici debuerat. Et verum ait; Omnes
enim vitæ Francisci nostri Scriptores in eo consentiunt,
ut asserant, post ipsius nativitatem sinistro oculo mor-
bum accidisse. P. Victon causam etiam reddidit, sed ex
quo hauserit monumento, nescimus. Ait ipse lib. i. cap. i.
Vitæ, & Miraculorum S. P. Francisci de Paula: Nam
dum pia Mater Vienna pro congenita *Ophtalmya* profusis
uberibus lac sugendum ipsamet ministraret, depre-
hendit protuberantem ad oculum sinistrum carnem, un-
de periculum esset, ne brevi optica facultate orbaretur.
Quod pia Mater propriis uberibus lac sugendum filio
suo dederit, Scriptor noster affirmat: *Et bona Mater
eum tenerè nutrit propriis mammillis, ut illi infunde-
ret bonam indolem.* Sed quod profusis adeo uberibus
dederit, ut morbum ei in sinistro oculo causaverit, præ-
ter Victonii assertionem, alterius testimonium deside-
rarem.*

P. de Longobardis legit; *Visu carebat;* & annota-
tionem deinde faciens, subdit hæc tantum verba: *Quia
tuber ad oculum ex maligno humore creatum lumen ade-
merat. Sed noxâ statim depulsâ precibus ad S. Assisa-
tem fuis, hæsi tamen tenuè illius vestigium ad miraculi
memoriam.* Sed lectionem hanc ipsi arbitrariam dici-
mus, dum pro lectione nostra exemplaria omnia con-
cordant. Gallicum MS. habet: *Et quand il naquit du
ventre*